



22 սեպտեմբերի 2014 թ.

N 612-Ա

ք. Ստեփանակերտ

**2014 ԹՎԱԿԱՆԻՆ ԲՆԱԿԱՆ ԱՂԵՏՆԵՐԻՑ ՏՈՒԺԱԾ ՀՈՂՕԳՏԱԳՈՐԾՈՂՆԵՐԻՆ  
ՊԵՏԱԿԱՆ ԱԶԱԿՑՈՒԹՅՈՒՆ ՑՈՒՑԱԲԵՐԵԼՈՒ ԵՎ ՖԻՆԱՆՍԱԿԱՆ  
ՄԻՋՈՑՆԵՐ ՀԱՏՎԱՑՆԵԼՈՒ ՄԱՍԻՆ**

2014 թվականին կարկտահարությունից, երաշտից, սելավներից (այսուհետ՝ բնական աղետ) տուժած խաղողայգիների տերերին և աշնանացան մշակաբույսերի ցանքատերերին (համատեղ հողօգտագործողներ) պետական աջակցություն ցուցաբերելու նպատակով՝ «Իրավական ակտերի մասին» Լեռնային Ղարաբաղի Հանրապետության օրենքի 13-րդ հոդվածին և «Լեռնային Ղարաբաղի Հանրապետության բյուջետային համակարգի մասին» Լեռնային Ղարաբաղի Հանրապետության օրենքի 20-րդ հոդվածի 3-րդ մասին համապատասխան՝ Լեռնային Ղարաբաղի Հանրապետության կառավարությունը **ո ր ո շ ու մ է.**

1. 2014 թվականին բնական աղետներից 100 տոկոսով տուժած խաղողայգիների տերերին յուրաքանչյուր հեկտարի դիմաց միանվագ տրամադրել 100 000 (հարյուր հազար) ՀՀ դրամի չափով պետական աջակցություն:

2. Լեռնային Ղարաբաղի Հանրապետության ֆինանսների և էկոնոմիկայի նախարարությանը՝ սույն որոշման 1-ին կետով սահմանված պետական աջակցության գործընթացն իրականացնելու համար Լեռնային Ղարաբաղի Հանրապետության 2014 թվականի պետական բյուջեով նախատեսված Լեռնային Ղարաբաղի Հանրապետության կառավարության պահուստային ֆոնդից Լեռնային Ղարաբաղի Հանրապետության Ասկերանի և Լեռնային Ղարաբաղի Հանրապետության Մարտունու շրջանների վարչակազմերին հատկացնել 10 791 000 (տասը միլիոն յոթ հարյուր իննսունմեկ հազար) ՀՀ դրամ՝ համաձայն N 1 հավելվածի:

3. Սահմանել, որ 2014 թվականին Լեռնային Ղարաբաղի Հանրապետության համայնքների (այսուհետ՝ համայնքներ) վարչական սահմաններում գտնվող աշնանացան մշակաբույսերի հողատարածքների մեկ տարվա հողի հարկի և վարձակալության դիմաց հաշվարկվող և համայնքների բյուջե վճարման ենթակա տարեկան գումարները ենթակա են վճարման Լեռնային Ղարաբաղի Հանրապետության պետական բյուջեի միջոցների հաշվին:

4. Սույն որոշման 3-րդ կետում նշված վճարման համար հիմք են հանդիսանում սույն որոշման N 2 և N 3 հավելվածներով սահմանված ձևերին համապատասխան

կազմված, համայնքների ավագանիների կողմից հաստատված և համայնքների ղեկավարների կողմից Լեռնային Ղարաբաղի Հանրապետության համապատասխան շրջանների վարչակազմեր (այսուհետ՝ շրջանների վարչակազմեր) ներկայացված ցուցակները:

5. Շրջանների վարչակազմերին՝ մինչև սույն թվականի հոկտեմբերի 1-ը ընդհանրացնել համայնքներից ստացված տեղեկությունները ու ներկայացնել Լեռնային Ղարաբաղի Հանրապետության ֆինանսների և էկոնոմիկայի նախարարություն՝ սույն որոշման 3-րդ կետով սահմանված վճարման գործընթացն իրականացնելու համար:

6. Լեռնային Ղարաբաղի Հանրապետության ֆինանսների և էկոնոմիկայի նախարարությանը՝ սույն որոշման 5-րդ կետով սահմանված տեղեկություններն ստանալուց հետո Լեռնային Ղարաբաղի Հանրապետության կառավարություն ներկայացնել առաջարկություն Լեռնային Ղարաբաղի Հանրապետության համապատասխան շրջանների վարչակազմերին համայնքների բյուջեներ վճարման ենթակա գումարները հատկացնելու վերաբերյալ:

7. Շրջանների վարչակազմերին՝

1) սույն որոշման 2-րդ կետին համապատասխան հատկացված գումարները բաշխել 2014 թվականին բնական աղետներից տուժած խաղողայգիների տերերին:

2) սույն որոշման 6-րդ կետին համապատասխան հատկացված գումարները փոխանցել համայնքների բյուջեներ՝ համաձայն սույն որոշման N 2 և N 3 հավելվածներով սահմանված ձևով ներկայացված ցուցակների:

8. Սահմանել, որ 2014 թվականին Լեռնային Ղարաբաղի Հանրապետության համայնքների վարչական սահմաններից դուրս գտնվող պետական սեփականություն համարվող հողատարածքների աշնանացան հացահատիկ մշակող հողօգտագործողներն ազատվում են մեկ տարվա հողերի վարձակալության դիմաց հաշվարկվող և պետական բյուջե վճարման ենթակա վարձավճարից:

9. Սույն որոշման 7-րդ կետով սահմանված գումարները բաշխելու նկատմամբ վերահսկողությունը դնել Լեռնային Ղարաբաղի Հանրապետության գյուղատնտեսության նախարարության վրա:

10. Առաջարկել Լեռնային Ղարաբաղի Հանրապետության գյուղի և գյուղատնտեսության աջակցության հիմնադրամին Լեռնային Ղարաբաղի Հանրապետության գյուղատնտեսության նախարարության կողմից տրամադրված ցուցակում ընդգրկված՝ 2014 թվականին բնական աղետներից տուժած հողօգտագործողներին, ինչպես նաև 2014 թվականի սեպտեմբերի 1-ի դրությամբ բոլոր հողօգտագործողներին փոխառության պայմանագրերից բխող պարտավորությունների մարումը երկարաձգել մինչև յոթ տարի՝ Լեռնային Ղարաբաղի Հանրապետության գյուղի և գյուղատնտեսության աջակցության հիմնադրամի կողմից հաստատված ժամանակացույցին համապատասխան մարելու պայմանով:

**ԼԵՌՆԱՅԻՆ ՂԱՐԱԲԱՂԻ  
ՀԱՆՐԱՊԵՏՈՒԹՅԱՆ ՎԱՐՉԱԿԵՏ**

**Ա. ՀԱՐՈՒԹՅՈՒՆՅԱՆ**

**Ց Ա Ն Կ**

**2014 ԹՎԱԿԱՆԻՆ ԿԱՐԿՏԱՀԱՐՈՒԹՅՈՒՆԻՑ ՏՈՒԺԱԾ ԽԱՂՈՂԱՅԳԻՆՆԵՐԻ  
 ՏԵՐԵՐԻՆ ՊԵՏԱԿԱՆ ԱԶԱԿՑՈՒԹՅՈՒՆ ՏՐԱՄԱԴՐԵԼՈՒ ՆՊԱՏԱԿՈՎ  
 ՀԱՏԿԱՅՎՈՂ ՖԻՆԱՆՍԱԿԱՆ ՄԻՋՈՑՆԵՐԻ**

| Հ/հ   | Համայնք                        | Ընդամենը<br>(հեկտար) | Ընդամենը գումարը<br>(դրամ) |
|---|--------------------------------|----------------------|----------------------------|
| <b>Լեռնային Ղարաբաղի Հանրապետության Ասկերանի շրջան</b>  |                                |                      |                            |
| 1   | Նորագյուղ                      | 3.83                 | 383000                     |
| 2   | Սարուշեն                       | 1.0                  | 100000                     |
| <b>Ընդամենը շրջանում</b>                                |                                | <b>4.83</b>          | <b>483 000</b>             |
| <b>Լեռնային Ղարաբաղի Հանրապետության Մարտունու շրջան</b> |                                |                      |                            |
| 1   | Ղուզե Ճարտար                   | 5.0                  | 500000                     |
| 2   | Քերթ                           | 1.58                 | 158000                     |
| 3   | Զիվանի                         | 1.0                  | 100000                     |
| 4   | Քարահունջ                      | 6.38                 | 638000                     |
| 5   | Սարգսաշեն                      | 9.0                  | 900000                     |
| 6   | Թաղավարդ                       | 7.8                  | 780000                     |
| 7   | Կարմիր Շուկա                   | 2.0                  | 200000                     |
| 8   | Սոս                            | 66.32                | 6632000                    |
| 9   | Պետական<br>պահուստային<br>ֆոնդ | 4.0                  | 400000                     |
| <b>Ընդամենը շրջանում</b>                                |                                | <b>103.08</b>        | <b>10 308 000</b>          |
| <b>ԸՆԴԱՄԵՆԸ</b>   |                                | <b>107.91</b>        | <b>10 791 000</b>          |

**Ց Ո Ւ Ց Ա Կ**

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ**  
**\_\_\_\_\_ ՇՐՋԱՆԻ \_\_\_\_\_ ՀԱՄԱՅՆՔԻ ՀՈՂԻ ՀԱՐԿ**  
**ՎՃԱՐՈՂ ՖԻԶԻԿԱԿԱՆ ԵՎ ԻՐԱՎԱԲԱՆԱԿԱՆ ԱՆՁԱՆՑ**

| NN | Ֆիզիկական անձի անունը, ազգանունը, հայրանունը կամ իրավաբանական անձի անվանումը | Ֆիզիկական անձի սոցքարտի և (կամ) անձնագրի համարը, կամ իրավաբանական անձի ՀՎՀՀ-ն | Հողամասի կադաստրային ծածկագիրը | Հողամասի չափը (հեկտար) | Հողի հարկը (դրամ) 2014թ. |
|----|--|---|--------------------------------|------------------------|--------------------------|
| 1. |  |   |                                |                        |                          |
| 2. |  |   |                                |                        |                          |
| 3. |  |   |                                |                        |                          |
|    |  |   |                                |                        |                          |
|    | <b>Ընդամենը</b>  |   |                                |                        |                          |

Լեռնային Ղարաբաղի Հանրապետության  
\_\_\_\_\_ շրջանի \_\_\_\_\_ համայնքի  
ղեկավար

\_\_\_\_\_  
(ստորագրությունը, անունը, ազգանունը)

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ**  
**ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ ՂԵԿԱՎԱՐ**

**Լ. ԳՐԻԳՈՐՅԱՆ**

**ՑՈՒՑԱԿ**

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ**

\_\_\_\_\_ ՇՐՋԱՆԻ \_\_\_\_\_ ՀԱՄԱՅՆՔԻ ՀՈՂԻ

**ՎԱՐՁԱԿԱԼՈՒԹՅԱՆ ԿՃԱՐ ԿՃԱՐՈՂ ՖԻԶԻԿԱԿԱՆ ԵՎ ԻՐԱՎԱԲԱՆԱԿԱՆ ԱՆՁԱՆՑ**

| NN | Ֆիզիկական անձի անունը, ազգանունը, հայրանունը կամ իրավաբանական անձի անվանումը | Ֆիզիկական անձի սոցքարտի և (կամ) անձնագրի համարը, կամ իրավաբանական անձի ՀՎՀՀ-ն | Հողամասի կադաստրային ծածկագիրը | Հողամասի չափը (հեկտար) | Հողի վարձավճարը (դրամ) 2014թ. |
|----|--|---|--------------------------------|------------------------|-------------------------------|
| 1. |  |   |                                |                        |                               |
| 2. |  |   |                                |                        |                               |
| 3. |  |   |                                |                        |                               |
|    |  |   |                                |                        |                               |
|    | <b>Ընդամենը</b>  |   |                                |                        |                               |

Լեռնային Ղարաբաղի Հանրապետության  
\_\_\_\_\_ շրջանի \_\_\_\_\_ համայնքի  
ղեկավար

\_\_\_\_\_ (ստորագրությունը, անունը, ազգանունը)

**ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ  
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ ՂԵԿԱՎԱՐ**

**Լ. ԳՐԻԳՈՐՅԱՆ**